

太上老君說益筭神符妙經

爾時

太上老君與天師真人 俱遊禪黎國土碧落界中 見諸眾生盡遭橫禍 疾病災衰 暴厄困苦 天化者多 於是真人從座而起 上白太上老君曰 如是眾生 未審行何科法 作何功德 可以濟度 今生永壽 無有災衰

老君曰 是諸眾生 為身各有四大之苦 不明正道 迷惑致此 天師稽首踊躍 請問罪源

老君為說偈曰

一為前生不信道 二為夙世不修行
三為有身不回向 四為立身愛諸纏
致使招災及眾禍 疾厄衰病便聯綿
若要扶衰禳災患 無過清齋轉益筭
靈符佩帶常擁護 得保長年驅惡緣
老君說是偈已 時上元甲子正月七日 老君乘紫雲之車 與天師俱往蜀都 是月十五日 於赤石城敷座說法 普濟眾生 時有趙昇

太上老君說益筭神符妙經

清微藏書閣

王長信奉道法 詣前長跪 乞為弟子 於是老君命天師召集諸天星

官 長生司命 六甲將軍 天神地祇 無鞅數眾 俱來就坐 同議

靈音 將救眾生 令各免難 時即刻石為信 傳度神符 傳說妙經

流通世間 以為益筭 真人於是再拜啟白 雖蒙開暗 眾生猶未

曉了 若乃善男子善女人 依憑齋戒 能遵教法 不負師慈 永脫

諸苦 如是毀謗不信之人 復與何說 令得濟度

老君曰 善哉 爾心憫諸眾生 啟問如是 君有世代奉道之者 篤

敬不渝 燒香禮拜 轉誦真經 即得身心安泰 壽筭延長 福祿增

崇 日臻至道

老君曰 道能覆愛 道能育養 道能生成 道能救護 若有命盡之

者 是道能增一萬二千九百九十九筭 與道齊堅 天地合德 萬物

滋榮 真君下世 與弟子長生益筭 災崇咸寧 若有諸迤衰危厄難

一切苦病之者 即命六甲將軍 諸天星官 四萬八千聖眾 俱來

救治 甲子將軍王文卿 遣官一百二十人 生弟子某身筭萬二千道


所護人身 為除百病 甲戌將軍展子江 遣官一百二十人 定弟

子某心筭等萬二千道 所護人身 為除魔惑 甲申將軍扈文長 遣

官一百二十人 添弟子某祿筭萬二千道 所護人身 為除虛耗 甲午將軍衛上卿 遣官一百二十人 為添弟子某福筭萬二千道 所護人身 為除橫害 甲辰將軍孟非卿 遣官一百二十人 保弟子某財筭萬二千道 所護人身 令無衰損 甲寅將軍明文章 遣官一百二十人 永弟子某壽筭萬二千道 所護人身 令無夭折 老君曰 六百甲子三元道泰君 萬生益筭君 大慈曜明等三千五百真人 一時下降 救護人身 得延萬歲 昇入正真 爾時 諸天星宿大聖 為絕冤讎


北斗貪狼星君 主祛惡氣

北斗巨門星君 主祛伏屍



北斗祿存星君 主祛百鬼

北斗文曲星君 主祛惡夢





太上老君說益筭神符妙經


清微藏書閣

北斗廉貞星君 主祛口舌

北斗武曲星君 主祛官事



北斗破軍星君 主祛虛耗



北斗左輔星君 主人命筭

北斗右弼星君 主人身形

三台星君共增祿壽 令無禍殃



第一惡星 第二良星 第三辟星 第四熒惑星 第五危星 是諸眾星尊神 各為弟子某消災度難 辟除天下疫氣疾病 姦姪始始妨害

之鬼 各令速去千里萬里之外 急急如太上神符律令
老君曰 吾今宣傳妙經 廣說道法 以符救人 佩帶之者 當須精
勤 心常敬信 無不安寧 千災萬禍 俱時消化 行藏動靜 善瑞
日臻 所求所願 皆得遂心 於是天師受得妙法 而作頌曰
神符神符 泄自太無 生天生地 與道卷舒
佩奉之者 厄難消除 得成真道 身昇玄都
天師說是頌畢 與弟子趙昇 王長稽首奉辭而退

太上老君說益筭神符妙經竟

天運辛卯年戌月正一天師清微弟子洪鼎堅率門人

羅大英安羅飛恭錄彙編
童丹複校

太上老君說益筭神符妙經

清微藏書閣